



education

Department:
Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESITSATFU (P3)

LWETI 2009

EMAMAKI: 100

SIKHATSI: 2½ ema-awa

Leliphepha linemakhasi lasi-6.

TICONDZISO KULABAHOLWAKO

1. Leliphepha lehlukaniswe tigaba letintsatfu:

SIGABA A: Indzaba	(50)
SIGABA B: Ematheksthi emibhalombiko lemidzana	(30)
SIGABA C: Ematheksthi lamafisha emibhalombiko/ laticukatsilwati.	(20)
2. Phendvula munye umbuto esigabeni A, munye esigabeni B, namunye esigabeni C.
3. Bhala tonkhe timphendvulo ngeSiswati.
4. Cala leso naleso sigaba ekhasini lelisha.
5. Hlela (Sib. libalavemcondvo, umdvwebo, ifuloshadi, njll.) uphindze uhlunge emaphutsa emisebentini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dvweba umugca lovundlile etikweluhlaka.
7. Citsa lokungenani imizuzu lengema-80 esigabeni A, lengema-40 esigabeni B nale ngema-30 esigabeni C.
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Nika leyo naleyo mphendvulo sihloko lesifanele.
CAPHELA: Sihloko asinganakwa nakubalwa linani lemagama.
10. Bhala ngebunono nangesandla lesifundzekako.

SIGABA A

UMBUTO 1

Bhala indzaba ngasinye saletihloko letilandzelako ibe ngemagama langabi ngaphasi kwalali-190 aphindze angabi ngetulu kwalangema-240.

- 1.1 Kukhona bantfu labahlasela bantfu labachamuka kulamanye emave ngobe batsi ababuyele emakubo. Uyavumelana yini wena naloku? [50]

NOBE

- 1.2 Bhala indzaba uyicondzise kulesitfombe lesingentasi. Indzaba yakho yinike sihloko lesifanele.



[50]

NOBE

- 1.3 Impumelelo yelicembu lalabakhubatekile emidlalweni yemapharalimpikhi eBeijing yenta kutsi iNingizimu Afrika ibe neludvumo emhlabenzi wonkhe. Bhala indzaba uchaze kutsi lempumelelo yenteke njani. [50]

NOBE

- 1.4 Buhle nebubi bekuphatsa bomakhalekhukhwini etikolweni. [50]

NOBE

1.5 Tinkinga bantfu labasha labahlangabetana nato kulesikhatsi lesiphila kuso. [50]

NOBE

1.6 Bhala indzaba uyicondzise kulokwenteka kulesitfombe lesingentasi. Indzaba yakho yiphe sihloko lesifanele.



[50]

NOBE

1.7 Thishela lowaba neligalelo emphilweni yami. [50]

NOBE

1.8 Kugembula kuyibhidlitile imiti leminyenti. [50]

SAMBA SIGABA A: 50

SIGABA B

UMBUTO 2

Khetsa **kunye** kulokulandzelako ubhale indzaba ibe ngemagama langabi ngaphasi kwalangema-80 aphindze angabi ngetulu kwalali-100.

2.1 UMLANDVOMPHILO

Litiko letekutfutsa likhiphe sikhango semsebenti wamabhalane. Kutsiwa lotawutfolo lomsebenti kufanele akwati kwenta naku lokulandzelako:

- Kusebenta ngangcondvomshini/ngekhompiyutha.
- Kubala emabhuku etimali.
- Kukhuluma nekubhala Singisi Kanye neSiswati.
- Kushayela imoto.

Bhala umlandvomphilo wakho (i-CV) lotawufaka nesicelo salomsebenti.

[30]

NOBE

2.2 INCWADZI YEBUBUNGANI

Umngani wakho ushelwe ngiko konkhe kwakhe engotini yemlilo lohise umuti wakubo. Mbalele incwadzi umlilele ngalomonakalo.

[30]

NOBE

2.3 LUHLELO NEMAMINITHI EMHLANGANO

Ungumabhalane walabasha ecenjini lelitsite lepolitiki. Benibambe umhlangano welicembu wekulungiselela lukhetfo lolutako. Bhala luhlelo nemaminithi alomhlangano.

[30]

NOBE

2.4 INKHULUMO

Sikolo senu sihlela kunentela lidzili lekunivalelisa njengobe nicedza libanga lelishumi nakubili. Bafundzi bakukhetsile kutsi ubakhulumele kulomcimbi. Bhala lenkhulumo.

[30]

SAMBA SIGABA B: 30

SIGABA C

UMBUTO 3

Khetsa **kunye** kulokulandzelako ubhale indzaba ibe ngemagama langabi ngaphasi kwalangema-60 aphindze angabi ngetulu kwalangema-80.

3.1 TICONDZISO

Usebenta ka 'Firewise' lapho kufundziswa khona tindlela tekuvimba tingoti temlilo. Umenywe sikolo lesitsite kutsi utewufundzisa bafundzi. Bhala ticondziso lotabashiyela tona ngetindlela tekuvikela umlilo.

[20]

NOBE

3.2 LIKHADI LESIMEMO

Bewungenele umncintiswano we-Comrades Marathon waphumelela waba wekucala. Uzuze imendlela yelgilide nemali lengu-R100 000. Ufuna kwenta lidzili lekubonga lenhlanhla. Bhala likhadi lesimemo umeme bangani bakho kutsi bete batekusingatsa.

[20]

NOBE

3.3 IPHOSTA

Edolobheni langakini kutsiwa kutawuntjintjwa emagama etitaladi. Nine njengemmmango anihambisani nalesincumo njengobe ningakatsintfwa kute nivete imibono yenu ngalesincumo. Nihlele umshuco lapho niyovakalisa khona kungahambisani kwenu nalenzaba. Bhala iphosta lotayiphatsa kulomshuco kuvakalisa luvo lwakho.

[20]

SAMBA SIGABA C:

20

SAMBA: **100**